



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

XCIX. Damnatio libri: Entretiens sur le Decret de Rome [et]c.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

XCVIII.

Extenditur fenarius numerus Magistrorum ad duodenarium pro Provincia Chilen. Ord. Eremitarum S. Augustini.

Similes extensiones vide in Constitutionibus infra relatis, inter quas extat una Inn. XII. ed. 1692. Sept. 28. P. 2. pro Provincia Mexicana. Atque alia hujus Pontificis ed. 1702. Mar. 17. P. 2. pro Provincia S. Fidei. Const. ed. 1712. Feb. 26. P. 12. augetur numerus pro Provincia Limana. Et Inn. XIII. Const. ed. 1723. Aug. 7. P. 3. iterum extenditur numerus pro Provincia Chilen.

Dat. 20. Maji
1710. An. 10.

CLEMENS PAPA XI.

Ad futuram rei memoriam.

Exordium.

EX inuncto Nobis divinitus pastoralis sollicitudinis munere Sacrarum, bonarumque literarum studia præsertim inter Christianifideles divinis obsequiis sub suavi Religionis Jugo addictos opportunis rationibus fovemus, & promovemus, ac ut debitus virtuti honor rependatur libenter providemus; sicut omnibus maturæ considerationis trutina perpensis rationi consentaneum esse in Domino arbitramur.

Rationes pro concessione præd. extensionis.

§. 1. Cum itaque sicut dilecti filii Fratres Provinciae Chilen. in Indiis occidentalibus Ordinis Eremitarum S. Augustini Nobis nuper exponi fecerunt, in Capitulo generali dicti Ordinis anno 1685. in Alma Urbe nostra celebrato statutum fuerit, ut Senarius Magistrorum numerus in Provinciis earumdem Indiarum ad duodenarium extendi, & ampliari deberet, si hujus Sanctæ Sedis facultas desuper accederet; similis vero extensio numeri Magistrorum pro Peruana, Quinensi, Mexicana, & Sanctæ fidei Provinciis ejusdem Ordinis in dicto Capitulo generali facta a fel. rec. Innocentio XI. Alexandro VIII. & Innocentio XII. Romanis Pontificibus Prædecessoribus nostris, & a Nobis per quosdam eorum, & nostras in simili forma Brevis literas die 20. Januarii 1688. die 31. Julii 1690. & die 28. Septembris 1692. ac die 17. Martii 1702. a Nobis respectively expeditas, approbata, & confirmata fuerit: Nobis propterea Exponentes prædicti, asserentes in prædicta eorum Provincia studia satis aucta, eamque Magno Religiosorum debitis ad consecutionem gradus Magisterii requisitis prædictorum numero refertam esse humiliter supplicari fecerunt, ut sibi in præmissis opportune providere, & ut infra indulgere de benignitate Apostolica dignaremur.

Preces Fratrum Provinciarum.

§. 2. Nos igitur eosdem exponentes specialibus favoribus, & gratis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a Jure, vel ab homine quavis occasione, vel causa latis, si quibus quomodolibet innodatae existunt ad effectum præsentium dumtaxat consequendum harum serie absolventes, & absolutas fore censentes, hujusmodi supplicationibus inclinati, de venerabilium fratrum nostrorum S. R. E. Cardinalium negotiis, & consultationibus Episcoporum, & Regularium præpositorum, qui dilectum filium Adeodatum Nuzzi Priorem Generalem dicti Ordinis audiverunt consilio, ut de cætero fenarius dictæ Provinciae Chilen. Magistrorum numerus ad duodenarium (servata tamen in reliquis quoad promovendos ad Magisterii gradum forma per Apostolicas, & dicti Ordinis Constitutiones, nec non specialia ipsius Provinciae Chilen. Decreta, & consuetudines præscripta) augetur, Auctoritate Apostolica tenore præsentium concedimus & indulgemus, salva tamen semper in præmissis auctoritate Congregationis eorumdem Cardinalium.

Extensio numeri Magistrorum servatis tamen servandis.

§. 3. Decernentes easdem præsentibus literas firmas, validas, & efficaces existere, & fore, suoque plenarios, & integros effectus sortiri, & obtinere, ac illis, ad quos spectat, & spectabit in futurum in omnibus, & per omnia plenissime suffragari: sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiti debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus re. me. Clementis PP. VIII. etiam Prædecessoris nostri de fenario Magistrorum numero, aliisque Constitutionibus, & Ordinationibus Apostolicis, necnon Provinciae, Chilen., & Ordinis prædictorum, etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis, habentes, illis alias in suo robore permanens ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

§. 5. Volumus autem, ut earumdem præsentium literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique locorum tam in Judicio, quam extra illud habeatur, quæ ipsis præsentibus haberetur si forent exhibitæ, vel ostensæ.

Datum Romæ apud Sanctum Petrum sub Anulo Piscatoris die XX. Maji MDCCX. Pontificatus nostri Anno Decimo.

Damnatur, & prohibetur liber sub tit. *Entretiens sur le Decret de Rome contre le Nouveau Testament &c.*

XCIX.

Damnatio libri: Le Nouveau Testament &c. extat Const. ed. 1708., Jul. 13., P. 8. Const. ed. 1710., Mar. 24., P. 10. damnatus fuit liber: Considerazioni Teologico - Politiche &c. Et Const. ed. 1713., 6. Idus Sept., P. 13. damnantur propositiones excerptæ ex d. libro: Le Nouveau Testament &c.

CLEMENS PAPA XI.

Ad perpetuam rei memoriam.

Cum, sicut accepimus, in lucem prodierit liber quidam Gallico idiomate editus, cui titulus - *Entretiens sur le Decret de Rome contre le Nouveau Testament de Châlons, accompagnés de reflexions morales où l'on decouvre le vrai motif de ce Decret, on soutient les droits des Evêques, & l'on justifie l'approbation de Monseigneur le Cardinal de Noailles, Archevêque de Paris. 1709.* - Venerabiles autem fratres nostri S. R. E. Cardinales in tota Republica Christiana contra hæreticam pravitatem generales Inquisitores a Sede Apostolica specialiter deputati, audita libri hujusmodi censura sibi relata, illum tanquam continentem propositiones scandalosas, in praxi perniciosas, Apostolicæ Sedi injuriosas, contumeliosas, erroneas, schismaticas, ac hæresi proximas, & hæreticas, respectively prohibendum, & condemnandum esse consulerint. Hinc est, quod nos pro commissa Nobis divinitus gregis Dominici cura Animarum periculis, atque detrimentis, quæ ex ejusdem libri lectione, & usu provenire possent, pastoralis sollicitudine, quantum cum Domino possumus, occurrere volentes, de memoratorum Cardinalium consilio, ac etiam motu pro-

Dat. 6. Junii
1710. An. 10.

Referatur liber una cum censura.

prio,

Damnatio, & prohibitio libri cum mandato illum tradendi Ordinariis, vel Inquisitoribus.

prio, & ex certa scientia, & matura deliberatione nostris, deque Apostolica potestatis plenitudine supradictum librum ubicumque, & quocumque alio idiomate, seu quavis editione, aut versione hucusque impressum, aut in posterum (quod absit) imprimendum tenore presentium damnamus, & reprobamus, ac legi, seu retineri prohibemus, ipsiusque libri impressionem, descriptionem, lectionem, retentionem, nec non omnibus, & singulis Christianis, etiam specificis, & individua mentione, & expressione dignis sub poena excommunicationis per contrahentes, ipso facto absque alia declaratione incurrenda, a qua nemo a quoquam praeterquam a Nobis, seu Romano Pontifice pro tempore existente, nisi in mortis articulo constitutus, absolutionis beneficium valeat obtinere omnino interdiciamus. Volentes, & auctoritate Apostolica mandantes, ut quicumque librum hujusmodi penes se habuerint, vel in futurum quodcumque habebunt, illum statim atque praesentes literae eis innotuerint locorum ordinariis, vel haereticis pravitatis inquisitoribus tradere, atque consignare teneantur, hi vero exemplaria sibi sic tradita illico flammis aboleri curent, in contrarium facientibus non obstantibus quibuscumque.

Clausula.

§. 1. Ut autem eadem praesentes literae omnibus facilius innotescant, nec quisquam illarum ignorantiam allegare possit, volumus, & auctoritate praedicta decernimus, illas ad valvas Basilicae Principis Apostolorum, ac Cancellariae Apostolicae nec non Curiae generalis in Monte Citorio, & in acie Campi Florae de Urbe per aliquem ex Curatoribus nostris, ut moris est publicari, illarumque exempla ibidem affixa relinqui, itaut sic publicatae omnes, & singulos, quos concernunt, perinde afficiant, ac si unicuique illorum personaliter notificatae, & intimatae fuissent: ipsarum autem literarum transumptis, seu exemplis, etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis, eandem prorsus fidem tam in Judicio, quam extra illud ubique locorum haberi, quae haberetur ipsis praesentibus, si forent exhibitae, vel ostensa.

Datum in Arce Guandalphi Albanen. Diocesis sub Annulo Piscat. die VI. Junii MDCCX. Pontificatus nostri Anno Decimo.

C.

Conceditur Fratribus Carmelitis Excalc. Congregationis Italiae facultas fundandi Hospitium in Civitate Ulyxiponen.

Interdictum fuit Carmelitibus Excalc. Congreg. Hispaniae edificare Conventum in Oppido de Bilbao a Clem. X. Const. ed. 1673., Maji 6., P. 3. Et Bened. XIII. Const. ed. 1726., Feb. 9. P. 2. confirmatur privilegium erigendi novas Domus cum sola licentia Ordinarii.

Dat. 28. Aug. 1710. An. 10.

CLEMENS PAPA XI.

Ad futuram rei memoriam.

Preces Congregationis, & causae erigendi d. Hospitium.

Exponi Nobis nuper fecerunt dilecti filii Fratres Excalceati nuncupati Congregationis Italiae Ordinis B. M. V. de Monte Carmelo, quod ipsi Hospitium in Civitate Ulyxiponen, tam pro eorum Conventus Goan., ac Residentiae Oppidi, seu loci de Diu, quam Sacrarum Missionum illarum partium ipsorum cura, & directioni Commissarum mantentione fundare, & erigere intendunt, si nostra, & hujus S. Sedis sibi super hoc licentia suffragetur, & facultas. Nobis propterea humiliter supplicari fecerunt, ut sibi in praemissis opportune providere, & ut infra indulgere de benignitate Apostolica dignaremur.

§. 1. Nos igitur dictos exponentes specialibus favoribus, & gratis prosequi volentes, & eorum singulares personas a quibusvis excommunicationis, suspensionis, & Interdicti, aliisque Ecclesiasticis Sententiis, Censuris, & poenis a jure, vel ab homine quavis occasione, vel causa latis, si quibus quomodolibet innodatae existunt ad effectum praesentium dumtaxat consequendum harum serie absolventes, & absolutas fore censentes, hujusmodi supplicationibus inclinati de Venerabilium Fratrum nostrorum S. R. E. Cardinalium negotiis Propagandae Fidei praepositorum consilio, eisdem exponentibus Hospitium praedictum in Civitate Ulyxiponen. ad praemissorum effectum auctoritate nostra Apostolica fundandi, & instituendi facultatem, & licentiam, eadem auctoritate tenore praesentium concedimus, & impartimur; salva tamen semper in praemissis auctoritate Congregationis eorundem Cardinalium.

Concessio praed. facultatis.

§. 2. Non obstantibus Constitutionibus, & Ordinationibus Apostolicis necnon quatenus opus sit Congregationis, & Ordinis praefatorum, aliisque quibusvis, etiam Juramento, confirmatione Apostolica, vel quavis firmitate alia roboratis, statutis, & consuetudinibus; privilegiis quoque, indulgentiis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores praesentibus pro plene, & sufficienter expressis, ac ad verbum insertis habentes illis alias in suo robore permanentibus ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

Clausula.

Datum Romae apud S. Mariam Majorem sub Annulo Pisc. die XXVIII. Augusti MDCCX. Pontificatus nostri Anno Decimo.

Confirmantur tredecim Decreta Congregationis Rituum, quibus Congregationi Reformatae Monachorum Cisterciens. conceditur facultas recitandi Officia complurium Sanctorum quibusdam ritibus, & modis.

CI.

Const. ed. 1705, Dec. 23. P. 6. confirmatus fuit cultus BB. Teresiae, & Sanciae Monial. Ord. Cisterciens. & Bened. XIII. conceditur Indulg. Plenar. in Festo S. Stephani III. Abbatis Const. ed. 1724. Jul. 4. Pont. 1.

CLEMENS PAPA XI.

Ad futuram rei memoriam.

Alias a Congregatione Venerabilium Fratrum nostrorum S. R. E. Cardinalium Sac. Ritibus praepositorum ad supplicationem tam dilecti Filii nostri Joannis Mariae S. R. Ecclesiae Cardinalis Gabriellii nuncupati, qui in minoribus constitutus professionem Regularem in Congregatione reformata Monachorum S. Bernardi Ordinis Cisterciens. emisit, quam nonnullorum tunc existentium Superiorum dictae Congregationis Reformatae emanarunt tredecim Decreta, tenorum, qui sequuntur, videlicet -

Dat. 25. Sept. 1710. An. 10.

Referuntur praed. Decreta edita precibus Card. Gabrielii, & Superiorum d. Congregationis.

§. 1. Congregatio S. Bernardi Ordinis Cisterciens. Sacra Rituum Congregatio referente Eminentiss. & Reverendiss. Domino Cardinale Gabriellio, ad humillimas preces P. D. Joannis Francisci Rotae Vicarii Generalis Congregationis S. Bernardi Ordinis Cisterciens. benigne indulget Monachis Congregationis praedictae S. Bernardi utriusque sexus, ut licite elevare possint officia Sanctorum Roberti Abbatis in Anglia, Lugardis Virginis, Hedwigis Reginae Poloniae, & Thomae Episcopi Cantuariensis, & Martyris a

Primum Decretum de celebratione festorum sub ritu duplici. & 2. classis.